

Eterne ano aktivipe



AGENCIJA ZA
MOBILNOST I
PROGRAME EU



Program
Mladi
na djelu

CIDE TE PHIRE ANO BIPENDŽARDO THAN...



E terne ano aktivipe si programo e Europake uniako savo so si dendo e ternenge thaj e organizaciengne save so si aktivnikane ani buti e ternenca. Ĉekatuno lav ano kodova sar ka ovel kerde thaj vastarde e projektoja isi majbut e ternen. E bare manuša kodole butjate si numaj sar dendo dumo olenge. O klidardo lav si biformalnikano sikljovipe, so anela te ovel kerdo ko jekh lokho ĉhand, sar khelipe, amalipe, volontiripe thaj deipe thaj leipe e nakhle vramake butjengo.

Sar terne manuša, numaj so isi len ĉekatuno lav ani Programa, ki jekh vrama isi olen ŝajipe:

- te pendžarkerel ternen katar i sahani/cijela Europa thaj te haĉarel so sare amen siam jekh bari europaki familia;
- te lel thaj xal varesave aver xabena avere themendar thaj te vakerel varesave „bivakerde“ lava ke aver ĉiba;
- te sikavel e ternenge katar i sahani Europa (thaj buxleder) e krociake specialitetoja thaj te sikavel olen varesavo „bivakerdo“ lav ki hrvatsko ĉhib;
- te dikhel korkoro pes ano vareso nevo thaj te kerel aver vareso ani peski lokalnikani khedin vaj avere themate.

Sar BRO/udruga/lokalnikani vaj pale regionalnikani isi tumen ŝajipe:

- te den thaj len nakhle butjake eksperience ani buti e ternenca tumare kolegonca katar i sahani Europa (a thaj buxleder);
- te sikljojen neve džanipa, eksperience thaj phirnipa save so si trubutne vaši buti e ternenca;
- te len thaj te biĉhalen internacionalnikane volonteroja;
- te keren kolaboracia ke projektoja e organizaciencia/instituciencia katar e but tema;
- te arakhen internacionalnikane partneroja tumare projektonge.

Te ŝaj te len than ane aktivipa ki programa E Terne ano aktivipa na mangela te ovel tumen anglederutne džanipa, ulavde phirnipa, fakultetoski diploma/vaj majbare ocjene, sar thaj pendžaripe e avere themenge ĉhibengo, numa so ane aktivipa save so si dende ko sikavdipe thaj keripe networko e personengo save so keren buti e ternenca. Jekh katar e ĉekatune specifike e programako E Terne ano aktivipa si te ovel paše sarengne, kodoleske so jekh katar olenge prioritetoja si i inkluzia e ternengi save so katar e amalipnaske, ekonomikane, sastipaske, kulturnikane thaj aver butja isi olen tikneder ŝajipe katar olenge jekh beršale terne.

Adhindo e Akciatar, ani programa E Terne ano aktivipa ŝaj te len than e amala, partneroja thaj manuša/organizacie katar e verver thema. Majbaro rodipe savo so trubul te ovel kerdo si e partneroja save so ka oven kodole proektoste te oven katar e 27 dženja save si ani EU, Ane sa e aktivipa, numaj ani Akcia 2- Europake volonterikane ofisoja thaj teloakcia 3.1- Jekhethani buti/suradnja e paŝutne phuvake pertnerikane themengo ki EU, sa e partneroja thaj manuša/organizacie save so ka oven kodole proektoste trubul te oven katar e anavesa vakerde **programake thema** - v.p. katar e 27 thema save so si dženja ki EU, Island, Lihtenŝtajn, Norveška, Turkia, Ŝvicerlando thaj Hrvatska.



Trubul tuke



Artipe, kulturnikano kustikipe, sporto, muzika, arakhipe e trujalipasko, maripe mamuj o rasizmo thaj ksenofobia... Isi tut intereso pale varesavi akale temendar vaj aver, manges te šunes so olake gindinen tire jekhe beršeske amala ani buxli Europa, jekhethane olenca rodona kreativnikane solucie thaj ko sa kodova te ovel tuke sar khelipe? Manges te sikljove vareso nevo, te pendžare varesavi aver kultura thaj them, a sa kodova ano jekh biformalnikano čhani? Te sian dženo ki grupa e ternengi katar o 13 dži 25 berš, kodova šaj te kere e akciassa Leipe thaj deipe e ternengo!



Dendi si rekomendacia te ovel kerdo organiziripe jekhe Angleder planirime vizitako (APV), so si kotor e proektosko Leipe thaj deipe e ternengo, a ovela ikerdo angleder o aktivipe. APV dela šajdipe e partneronge te arakhen pumen (1-2 butjarne divesa) thaj te phanden lava vaše logistikane detalia thaj avutno keripe jekhethane butjako ano keripe, implementacia thaj evaluacia e proektosko. O APV si thaj adžukhar šajipe e partneroja tare aver thema te pendžaren pumen e lokalnikane maškaripasa ano savo ka ovel ikerdo o Leipe thaj o Deipe e ternengo. Sar normativo, sakoja organizacia bičhalel pestar jekhe participante (i) ko APV (prezentento e organizaciako vaj pale legarutno e grupako e ternengo). Ulavdi čipota si, ko APV šaj te len than thaj duj participanteja (ia) katar o partneroja, te si jekh olendar terno participante savo so ka lel than ani Akcia e Leipasko thaj Deipasko e ternengi. E normativonge e finansiripasko thaj e aver kriteriumia dikhen e Programako legarutno lil vašo programo E terne ano aktivipa.

Akcia 1.1 Leipe thaj deipe e ternengo

Le than ano internacionalnikano cidipe te phire ke bipendžarde thana thaj ov kotor e Leipasko thaj deipasko e ternengo!



xor poska



	Bilateralnikano Leipe thaj Deipe e ternengo	Trilateralnikano Leipe thaj Deipe e ternengo	Multilateralnikano Leipe thaj Deipe e ternengo
Gin e partnerongo	Tumen thaj e partneroja katar e phuva dženja ki EU	Tumen thaj e 2 partneroja katar e programake phuva, savendar numaj jekh trubul te ovel dženi ani EU	Tumen thaj majxari 3 partneroja katar e programake phuva, savendar numaj jekh trubul te ovel dženi ani EU
Sa participanteja kobor trubul te oven	Katar 16 dži 60 (kothe naj ginde thaj e legarutne)		
Sa participanteja katar jekh phuv	Majxari 8 (kothe naj ginde thaj e legarutne)	Majxari 6 (kothe naj ginde thaj e legarutne)	Majxari 4 (kothe naj ginde thaj e legarutne)
Berša e participantongo	Katar 13 dži 25 berš (dži 20% katar sa o gin e participanongo save so šaj te ovel olen katar o 26 dži 30 berš)		
Vrama e proektoski	Dži 15 masekoja/čhona (kothe si thaj i faza e preparaciaki, palo kodova leipe thaj deipe e ternengo thaj evaluaciaki faza)		
Vrama e aktivipasko ko Leipe thaj Deipe e ternengo	Taro 6 dži 21 dan (kothe naj thaj i vrama e dromipasko)		

Deipe godi



- Anglo xulipe ano partneripe varesave organizaciasa keren kontrola ke olake kapacitetoja, kobor si seriozno thaj isi ola intereso te kerel jekhethani buti thaj ano starto den olen ulavdipe e butjnego save ka keren. E maškarpeske obligacie, dende butja thaj e finansiako deipe agorkeren e internikane partnerikane phandle lavesa.
- Len participanteja ko Leipe thaj Deipe e ternengo taro starto dži o agor e proektosko, te šaj te oven sigurna si vaj na ola interesirime ke teme thaj ka len than vaj na aktivnikane ane programake aktivipa.

te šaj te kere drom ani Europa?



Si tut džanipe so si trubutno so vareso trubul te ovel averkerdo ani tiri khedin, manges te averkere i lumia, pherdo san ideenca, numaj sa i vrama sas tut vareso so našti sas te kere kodova? Te isi tut maškar 15 thaj 30 berš thaj san agordo te nakhe katar e lava ko aktivipa, tire idee đaj te kere ane Iniziative e ternenge!

I iniciativa e ternengi si proektoja saven so gindinde, vazdinde thaj savenge ka keren realizacia korkore e terne. E bare manuša thaj e phirne/ekspertoja kathe si numaj ano starto sar dendo dumo ki realizacia e proektoske, thaj kodova numaj ane varesave čipote. E ternenge save so ka len than ane Iniziative e ternenge ovela dendo šajipe te vazden pesko aktiviteto, kreativiteto, aktivnikane te len than ani peski lokalnikani khedin thaj te dikhen ani praktika peske idee thaj kodolesa te den dendo dumo ko vazdipe thaj kerdipe e Europako.



O Mentoro si resursengi persona sava isi nakhli buti e ternenca.

O mentoro naj legarutno e proektosko, numa ačhola avrial e iniciativatar e ternengi thaj ovel lelo palo trubutnipe sar te del dumo e ternenge ani realizacia e proektoski. O proekto trubul te phandel thaj mentoro te si ano proekto phandle thaj biberšale participanteja vaj pale terne saven isi tikneder šajipa, savenge trubul te ovel dendo dumo ani realizacia e proektoski.

Ani čipota kana isi transnacionalnikane Iniziative e ternenge šajutno si te ovel kerdi organizacia ko Angleder planirime vizitipe te šaj e partneroja te keren arakhipe anglo te ovel kerdi i Iniciativa thaj te oven kerde phandle lava ane detaliala. O APV si lungipasa katar o 1-2 butjarne divesa thaj phandela 1-2 participanteja (jekh olendar šaj te ovel thaj mentoro).

E normativonge e finansiripasko thaj e aver kriteriumia dikhen e Programako legarutno lil vašo programo E terne ano aktivipa.

Akcija 1.2 Iniziativa e ternengi

Vazde idea tute thaj de dumo tire khedinake/zajednici Iniziativa e ternengi!



Trubul te dža varesave kursoste



	Nacionalnikane Initiative e ternenge	Transnacionalnikane Initiative e ternenge
Gin e partnerongo	Numaj tumen	Tumen thaj majxari jekh partnero katar e programake phuva. Majxari jekh katar e partneroja trubul te ovel katar e thema dženja ki EU.
Sa participanteja kobor trubul te oven	Majxari 4 participanteja katar i Hrvatska	Majxari 8 participanteja
Sa participanteja katar jekh phuv	Majxari 4 participanteja katar i Hrvatska	Majxari 4 participanteja
Berša e participantongo	Katar 18 dži 30 berš (katar 15 berš te si ano proekto manuš sar mentoro)	
Vrama e proektoski	Katar 3 dži 18 čhona/masekoja (kote si leli thaj i preparacia, realizacia thaj evaluacia e proektoski)	
Vrama e aktivipasko Initiative e ternenge	Naj terminirime	

Deipe godi



- I Initiative e ternengi naj ničale aktivipa e birajikane organizaciengi thaj e biformalnikane grupengi, numaj si neve proektoja save so i grupe e ternengi kerda.
- Anglo xulipe ano partneripe varesave organizaciasa keren kontrola ke olake kapacitetoja, kobor si seriozno thaj isi ola intereso te kerel jekhethani buti thaj ano starto den olen ulavdipe e butjnego save ka keren.

te sıkljove vareso nevo?



But čirła sas tuke interesno sar ovena ande e zakonoja, sar funkcionirinela i Europaki unia vaj i lokalnikano rajipe ani titi khedin? Manges kodova te dikhe ko jekh biformalnikano thaj lokho čhand, a uzal kodova thaj te sikljove thaj te ove kotor jekhe demokratikane dživdipasko ki tiri lokalnikani khedin? Te dendan ansvero/džovapi ke pobuter kodola pučipa sar va thaj isi tut mađkar 13 thaj 30 berš, e Demokratikane proektoja e ternenge si tuke! E Demokratikane proektoja e ternenge si proektoja save so vazdena aktivnikano keripe buti e ternengo ano demokratikano dživdipe e khedinako ki lokalnikani, regionalnikani, nacionalnikani thaj europaki digra. Kodova šaj te ovel reslo e keripasa networko vašo leipe thaj o deipe e nakhle butjako ki ranik e keripasko buti e ternenca, beđina e ternenca savende sas vakerdo vašo lengo leipe than ano demokratikano dživdipe, seminaroja thaj debate vaše terne ki tema e mehanizmoja e demokratiake ke sa e niveloja, savende sas simulacia ko funkcioniripe e demokratikane instituciengo thaj i rola e anipasko e deciziengo.



Te isi participiripe ano proekto thaj leipe than e deciziengo anutnengo / ekspertesko, thaj nijek xardžipe/trošak direktikano so si phandlo e leipasa than ano proekto (dromaripe, thanardipe, xabe, ...) našti te ovel učardo e resursonca save si katar i programa Terne ano aktivipa. Thaj uzal kodova so e partneroja ano Demokratikano proekto e ternengo đaj te oven kotor jekhe networkosko vaj šaj te oven phandle varesave avere čhandeda, e partneroja našti te adhinen/zavisiti jekh averestar ano anipe e deciziengo, realizaciako thaj e finansiripasko peske ničale aktivipango. E normativonge e finansiripasko thaj e aver kriteriumia dikhen e Programako legarutno lil vašo programo E terne ano aktivipa.

Akcija 1.3 Demokratikane proektoja e ternenge

Te si "politika" klidardo lav ani tiri idea, e Dekomratikane proektoja si tuke!



Trubul tuke barvale dad thaj dad



	Demokratikane projektoja e ternenge
Gin e partnerongo	Tumen thaj panda jekh partnero katar i Hrvatska thaj panda duj partneroja katar i sakoja them savi so lela than ano proekto. Majxari jekh katar e partneroja trubul te ovel katar i them dženi ki EU.
Sa participanteja kobor trubul te oven	Majxari 16
Sa participanteja katar jekh phuv	Naj terminirime, numaj o proekto trubul te phandel e participanton katar sa e themen save so lena than ano proekto
Berša e participantongo	Katar 13 dži 30 berš
Vrama e proektoski	Katar 3 dži 18 masekoja
Vrama e aktivipasko	Naj terminirime

Deipe godi



- Anglo xulipe ano partneripe varesave organizaciasa keren kontrola ke olake kapacitetoja, kobor si seriozno thaj isi ola intereso te kerel jekhethani buti thaj ano starto den olen ulavdipe e butjnego save ka keren.
- Keren involviripe ano tumaro proekto sar direktikane thaj bidirektikane partneroja ke badanoja/tijela ko lokalnikano vaj pale regionalnikano vastaripe thaj deipe godi e ternengo.



te šaj te kere realizacia tire čačipenenge?



Isi tut vaj na kuražo te dža tire kherestar lungeder vaxteske thaj te pendžare nevi kultura, a uzal kodova thaj aktivnikane te kere buti e manušenca saven isi ulavde trubutnipa, buti e ternenca vaj pale ki ranik e arakhipasko e trujalipasko e themako ani savi tu džasa? Sien vaj na organizacia savi so mangel te del europaki dimenzia peske butjake savate isi mangipe te aven olenge manuša save si internacionalnikane volunteroja? Sien vaj na organizacia savi so ka del europake šajipa e ternenge katar olengi lokalnikani khedin thaj te oven bičhalde ane varesave avere themende savende ka keren volunterikani buti? Te vakerden va ke sa kodola pučipa, ko čačutno drom sien- kodoleske so i Europaki volunterikani buti, savi si popularnikane vakerdi sar EVS (EVB), isi ola solucia tumenge! Europikani volunterikani buti dela dumo e lungovramake individualnikane thaj grupake volontiripasko e ternengo. Te šaj o voluntero te džal avere themate, bare džanalipastar si te ovel duj partneroja: organizacia savi so bičhalel thaj organizacia savi so lel e volunteren. I organizacia savi so bičhalel si juristikano subjekto katar i them ani savi so o voluntero bešela thaj sava so isi obligacia vađi preparacia e voluntereske te arakhel than ani them savate ka ovel, te del olen kontaktoja e volunteronca ani vrama džikaj si i volunterikani buti thaj vašo deipe e dende dumesko e volunteriske palo iranipe. I organizacia savi so lela e volunteren si obligaciasa vašo planiripe thaj realizacia e aktivipango, vašo dendo dumo ko keripe e butjengo thaj i adaptacia e dživdipasko ane avrutne phuva thaj baripe e kapacitetongo e volunterengo.



Akreditacia si jekhto phird ko xulipe ani lumia e Europaki volunterikani buti. Sa e organizacie save so mangena te len thaj te bičhalen volunteria trubul te oven akreditirime. I akreditacia e organizaciengi katar i Hrvatska kerel i Agencia vašo mobilnipe thaj e programe e Europake uniako. Te šaj varesavi organizacia te lel vaj/thaj te bičhalel volunteria trubul te pherel o Formularo vađo sikavdipe e interesosko. Katar o Formularo e iskavdipasko e interesosko e biutjarnenge ani Agencia ka ovel dikhutni i motivacia thaj o plano e butjako e volunteronca, palo so ka ovel kerdi vizita e organizaciake thaj o deipe e akreditaciako gin savo so ka putarel e organizaciake o šajipe vašo apliciripe e proektoske ko EVB. E terne save so mangena te volontirinen trubul te keren kontakto e organizaciasa e bičhalutnengi ani peski regia savi so dela dumo ko arakhipe e proektongo savo si si phandlo kodolesa thaj kerela buti e organizaciasa savi so si kherutni kana isi aplikacia e proektoski ki relevantnikani Nacionalnikani agencia vašo programa E Terne ano aktivipe. E normativonge e finansiripasko thaj e aver kriteriumia dikhen e Programako legarutno lil vašo programo E terne ano aktivipa.

Akcija 2 Europikani volunterikani buti
Le te kere volunterikani buti thaj sikljov vareso
nevo katar i Europikani volunterikani buti!





Na, jekhto so tuke trubul si i



	Individualnikano aktivipa e EVB-ko	Grupako aktivipa e EVB-ko
Gin e partnerongo	Tumen thaj panda jekh organizacia katar varesavi them savi si dženi ki EU.	Tumen thaj panda jekh organizacia. Majxari jekh katar e partneroja trubul te ovel katar i them dženi ki EU.
Gin e volunterengo	1 volonter	2 dži 30 volunteroja (adhinela katar i akreditacia)
Berša e volunterengo	Katar 18 dži 30 berš (katar 16 berš vaše volunteroja saven isi tikneder šajipa)	
Vrama e proektoski	Dži 24 masekoja	
Vrama e volunterikane butjako	Katar 2 dži 12 masekoja (katar 2 kurke/eftadivipa vaše volunteroja saven isi tikneder šajipa vaj grupake aktivipa ko EVB save so phandena majxari 10 volunteroja)	

Deipe godi



- Anglo xulipe ano partneripe varesave organizaciasa keren kontrola ke olake kapacitetoja, kobor si seriozno thaj isi ola intereso te kerel jekhethani buti thaj ano starto den olen ulavdipe e butjnego save ka keren.
- Te sien neve ano EVB, vaše praktikane dende godja, dendo dumo thaj inspiracia roden ano tumaro pašipe anglederutne volonter e vaj organizacia savi so kerda buti angleder kodova e EVB-sa.
- Ano 2012. thaj 2013. berš ulavde resursoja ka oven dende ani kolaboracia e phuvenca ke adjukhar vakerde phuva katar o a.v. Disorigutne partneripa vaše terne (Armenia, Azerbejdžan, Belorusia, Gruzia, Moldavia thaj Ukraina) a si phandle e Akcisa 2 thaj e teloakcisa 3.1. Vaše pobuter informacie dikhen e Programako legarutno lil vaš i programa Terne ano aktivipe.



programa E terne ano aktivipa...



Sianas varekana ani Gruzia? Manges te šune savo si o albanikano hip-hop vaj te xas rusiako boršč? Manges te dikhes sar e terne ano Izrael thaj Alžir nakhena pumengi tromali vrama? I Programa Terne ano aktivipa dela sa adava, thaj buteder kodolestar! Kodoja akcia dela ververikane forme e kolaboraciake prekal o Leipe thaj o Deipe e ternengo thaj e aktivipa vašo vazdipe e Kapacitetongo thaj netvorkipe e pašutne partnerikane themenca ki Europaki unia. Kodola thema ovena ulavde ane trin geografike regie:

Telunedisorigaki Europa: Albania, Bosna i Hercegovina, Makedonia, Kosovo, Crna Gora, Srbia;
Disorigaki Europa thaj Kavkaz: Armenia, Azerbejdžan, Belorusia, Gruzia, Moldavia, Rusia, Ukraina;
Mediterneske partnerikane thema: Alžir, Egipat, Izrael, Jordan, Libanon, Maroko, Siria, Tunis, Palestinaki korkoriradžipaski Ratjorigaki phu thaj trujalipe Gaza.

Vaše normativoja e finansiripaske thaj e aver kriteriumia dikhen o Programako legarutno lil vaši programa Terne ano aktivipa.



Deipe godi



- Anglo xulipe ano partneripe varesave organizaciasa keren kontrola ke olake kapacitetoja, kobor si seriozno thaj isi ola intereso te kerel jekhethani buti thaj ano starto den olen ulavdipe e butjnego save ka keren.
- Anglo apliciripe e proektosko dikhen isi rodipe e vizako varesave participantonge vaše phuva savate ovela ikerdo o proekto.
- Ano 2012. thaj 2013. berš ulavde resursoja ka oven dende ani kolaboracia e phuvenca ke adjukhar vakerde phuva katar o a.v. Disorigutne partneripa vaše terne (Armenia, Azerbejdžan, Belorusia, Gruzia, Moldavia thaj Ukraina) a si phandle e Akcisa 2 thaj e teloakciasa 3.1. Vaše pobuter informacie dikhen e Programako legarutno lil vaši programa Terne ano aktivipe.

Akcija 3.1 Jekhethano butikeripe e pašutne partnerikane themenca ki Europaki unia Programa Terne ano aktivipa džal thaj avri e linenendar katar i Europaki unia!



Pendžar i Europa,





Akcija 4.3 Arakhipe e kapacitetongo thaj e networkipasko e manuŝenge save si aktivikane ki buti e ternenca thaj e ternikane organizaciencia

Te keresa buti e ternenca thaj e ternenge, kodoja teloakcia si tuke!

Vakeren vaše tumare thaj ŝunen vaše avera butja e ternenca tumare kolegonca katar e aver thema, pendžarkeren tumen e čhadesa butjako ane aver thema thaj ker kodolestar vareso tumare butjate, arakh partneroja vašo internacionalnikano jekhethano keripe buti thaj gindin vaše neve proektoja. Sa kodova, a thaj buteder kodlestar, ŝaj te arakhe ane but aktivipa save so dena akaja teloakcia! Akaja teloakcia ikerela o baripe e kapacitetosko e ternengo save so si aktivnikane ani buti thaj e organizacie e ternenge, leipe thaj deipe e lače butjengo thaj lače praktikengo thaj e aktivipa save so anena dži o kerdipe neve proektoja, partneripa thaj networko.

O proekto vazdipe e Kapacitetosko thaj networkingo ŝaj te ovel ole jekh katar akala forme:

- **Stažiripe** - xarno beŝipe e partnerikane organizaciencia ani aver them resarinasa te ovel vazdime i lači praktika thaj vazdipe e džanipasko thaj e phirnipasko save so trubul te ovel ki buti e ternenca;
- **Vizita e butjakii** - xarno beŝipe e potencialnikane partneronca resarinasa te ovel kerdo barjovipe andre ki programa Terne ano aktivipa;
- **Evaluciako beŝipe** - beŝipe e partneronca ane varesave katar e nakhle proektoja, resarinasa te ovel evaluacia e proektongi thaj e phandle pavengi trujal e avutne phirda;
- **Studiaki vizita** - organizirime vizita jekhe terminirime temasa, savi so dela dikhipa e butjako vaj pale politikako kori e terne ane terminirime thema;
- **Aktivipe vašo kerdipe partneripe** - beŝipe savo so ovela organizirime e resarinasa te oven arakhle partneroja vašo internacionalnikano jekhethano butikeripe thaj vazdipe e avutne proektongo;
- **Seminaro** - beŝipe savo so ka del platforma vaše diskusie thaj leipe thaj deipe e lače praktikengo uzal e teme save so si relevantnikane ani buti e ternenca;
- **Treningoja (eng. Training Course)** - sikavdipaske programe savenca ovela lačardo o džanipe, phirnipe thaj e poze e participantongo ani lengi buti e ternenca;
- **Networkipe** - but aktivipa jekh palo aver resarinasa te oven kerde neve networkipa vaj vazdipe e akanutne androne programengo Terne ano aktivipa.

E Kriteriumia thaj e normativoja finansiripaske sako katar e upre vakerde aktivipa dikhen ano Programako legarutno lil vaši programa Terne ano aktivipa.





res neve experience thaj aktivnikane le than ano amalipe!



Kodova si teloakcia savi so dela lav e ternenge ano kreiripe thaj realizacia e politikengo kori e terne, bizo te ovel dikhlo si lav vašo lokalnikano, regionalnikano, nacionalnikano vaj ki europakonivelo. Ikerel kolaboracia, seminaroja thaj dijalogo maškar e terne, manuša save so si aktivnikane ani buti e ternenca thaj manuša saven isi obligacia vašo anipe thaj realizacia e politikengo kori e terne.

Adhinale tare teme e proektoske, kodoja kolaboracia šaj te ovel ola akala forme:

- **Nacionalnikane bešipa e ternenge** - šaj te ovel ikerdi ko lokalnikano, regionalnikano vaj nacionalnikano nivelo resarinasa:
 - deipe e šajipasko e ternenge vašo aktivnikano keripe buti, informiripe thaj debata vaše teme save so si relevantnikane vašo politika kori e terne vaj europaki politika;
 - preparacia vaše oficialnikane čipote save so organizirinel i them dženi savi so si prezidento e Europake uniake;
 - organiziripe aktivipa phandle e Europake eftadivipasko e ternengo;
 - Jekhethano keripe buti maškar o formalnikano thaj biformalnikano sikljovipe.
- **Transnacionalnikano seminaro e ternengo** - bešipa e ternenge thaj e anutnenge e politikengo, resarinasa te oven lele thaj dende idee thaj lače praktike thaj anipa e rekomendaciengo vaše teme save so si dromarde ko Strukturime dialogo, Putardi metoda e koordinaciako thaj e europake strategiako vaše terne.

	Nacionalnikano bešipe e ternengo	Transnacionalnikano seminaro e ternengo
Gin e partnerongo	Numaj tumen	Tumen thaj majxari štar partneroja katar e programake thema. Numaj jekh partnero trubul te ovel katar e thema džjenja ki EU.
Sa o gin e participantengo	Majxari 15 participantoja katar i Hrvatska	Majxari 30 participantoja
Berša e participantengo	Taro 15 dži 30 berš	
Lungipe e proektosko	Katar 3 dži 18 masekoja (leli thaj i preparacia, realizacia thaj i evaluacia e proektoski)	
Lungipe e aktivipango	Naj terminirime	1 dži 6 divesa

Deipe godi

Anglo xulipe ano partneripe varesave organizaciasa keren kontrola ke olake kapacitetoja, kobar si seriozno thaj isi ola intereso te kerel jekhethani buti thaj ano starto den olen ulavdipe e butjnego save ka keren.

Akcija 5.1 Bešipa e ternenge thaj e personengi saven so isi obligacia vašo politika kori e terne

Te ovel ašundo thaj o krlo e ternengo!



CIDE TE PHIRE ANO BIPENDŽARDO THAN ..



So thaj sar dureder?

Palo kodova so tumen thanarden tumari idea ani jekh (vaj pale pobuter) vakerde teloakcie, avutni phird si tumenge te keren i idea ano proekto ano Aplikaciako formularo thaj te roden finansiako deipe dumo ko jekh tare resutne rokoja e aplikacienge (1 februaro, 1 majo thaj 1 oktombro), adhinale kodole datatar kana ovela o staro e proektosko. O proekto šaj te ovel kerdo majangle 3 masekoja katar o roko saveste si tumaro proekto aplicirime.

Bare samasa drabaren sa e kriteriumia thaj e finansiake normativoja saven so planirinena te aplicirinen. Sako ikljovipe kodole normativondar ane Programake legarutne lilesko ka oven rezultato e ikaldipasa tumare aplikaciako. Pheren o apliciripasko formularo ano sahnipe/cjelosti, ma bistren te den sa e evidentoja save so trubun tumenge (partnerikane phandle lava vaše internacionalnikane proektoja, ničipe e aktivipango, faktoja vašo juristikano statuso ...) thaj ma bistren te den tumari signatura ke thana kote kodova ovela rodime tumendar.

E butjarne ani Agencia lošasa ka den tumen dumo sa e aspektondar save so rodena e aplikacie ke proektoja. Sa e informacienge thaj pučipange đaj te roden amen ko e-mail yia@mobilnost.hr vaj ko telefono **01/5005-635**.

Gajeva 22
10000 Zagreb, Hrvatska
t. +385 (0)1 5005 635
f. +385 (0)1 5005 699
yia@mobilnost.hr
www.mobilnost.hr

Kodi publikacia si finansirime dende dumesa katar i Europaki komisija.
Kodi publikacia si majbut o gindipe e auktoresko e pubilaciako thaj i Komisija naati te gindinel so si la obligacia kana ka oven labarde e informacie save so si olate.